



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 39. Bellum in Etruria a Montluco continuatum.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

possent, deliberabat cum Ferdinando ^{Sæcul. XVI.}
 Gonzaga, hic vero Regni fines adeo non A C 1556.
 esse deserendos censebat, ut potius suaderet, quatenus valida præsidia Civitellæ, Aterno ad Fruentum, nec non Theatinæ Civitati, Ariano, Artemisio, Apuliam versus, ac denique Capuæ, & Nolæ urbibus haud procul Neapoli sitis imponerentur: in quam sententiam statim Albanus, & omnes iære, & Nolæ quidem muniendæ, ac custodiendæ cura Vespasiano Gonzagæ commissa est, Capuam vero Sanflorianus munimentis firmare, & Garfias Toletanus Venusium, & Artemisium, quod nunc Agathæ Fanum appellant, necnon Arianum tueri iussus est: insuper Trivico negotium datum, ut cum copiis, quas habebat, in Apulia se contineret, atque ibi viarum aditus infideret: eoquod ageretur de Neapolitani Regni Provincia redditibus longe amplissima, unde haud temere timebatur, ne Galli hac ex parte irruptionem facere molirentur.

§. XXXIX.

Bellum in Etruria a Montluco continuatum.

Postquam Montlucus Pontificem valere jusserat, in Etruriam venit, vices Subisii expleturus, quem Henricus Galliarum Rex revocaverat. Attamen Mont-

D d 2

lucus

Sæcul. XVI.
A. C. 1556.

*Dans le
comm. de
Montluc. l. 4.*

lucus, quamvis crebra velitatione Hispanos lacefferet, nullum tamen majoris momenti facinus ob virium suarum imbecillitatem aggredi poterat: acrius tamen divexabat Cosmam Florentiæ Ducem, qui Papæ, Regisque Franciæ amicitiam sibi suspectam habens ingentem armorum apparatus in suis ditionibus faciebat, ac pro viribus suis Albæ Duci opem ferebat, spe quondam recuperandæ Senensis Reipublicæ animatus: Insuper Castro-cerum in Roman-diolæ finibus situm, Cortonam, & Montem Politianum, ne Montis Ilcini Præfidiarii irruerent, munimentis firmabat, nam quamvis nihil a Summo Pontifice pertimescendum sibi videretur, illum tamen sibi parum propensum existimabat; quippe Pontifex Joanni ejus filio natu minori Pisanum Archiepiscopatum, ad quem jamjam nominatus erat, conferre renuebat. His rationibus permotus Montlucus suis copiis in Florentinam ditionem excurrere inhibuit, veritus, ne Cosmas suas copias novis supplementis augetet, hacque ratione Guisfiæ Dux exercitum suum, cujus adventus proxime instabat, non sine periculo distrahere cogeretur.

§. XL.